

Das Erste Buch
Das II. Capitel.

Erstlich wollen wir den Anfang machen/ wie man die
Haar/ als das oberste vnd erste Theil/ vnd zierde des Men-
schen/ auff allerley Farben färbet.

Sol?

Haar Goldtsfarb zu färben?

SIm Alumen foecis anderthalb Pfund/ koch
es in 20. Pfund Wassers/ biß der 3. Theil eingesotten/
darnach seige es/ mische darunter 12. Loht Benedische
Seiffe/ süß Mandelöl 2. Loht/ temperier es alles fast
wol durch einander/ darnach setze es an die Sonne 15. Tage lang/
oder lenger/ vñ thürs bißweilen vmb/ weñ du es wilt gebrauchen/ so
nim eine halbe Schüssel voll davon/ laß es vberm Fewr warm wer-
den/ schmiere damit das Haar mit einem Schwam an der Sonnē/
vnd wenn es trucken worden/ schmiere es wiederumb/ vnd wenn du
es einmal oder 6. gethan/ wasche das Häupt mit Laugen/ darnach
weñ die Haar wider trucken worden/ so schmiere es mit süß Mans-
delöl/ oder mit Eyerdotteröl/ so wird es schön wie Gold.

Item/ nim Alaun 3. Pfunde/ Salniter 2. Pfunde/ Vitriol. 1.
q. distillir es alles mit einander/ vnd wasche mit dem Wasser das
Haar.

Eine Salbe das Haar Goldfarb zu machen?

Nim die mittel Rinde von Holdern/ Psrimenblumen/ Saffa-
ran/ Eyerdotter/ jedes so viel gnug ist/ koch es in Wasser/ vnd
nim oder hebe das auff dem Wasser/ oben empor schwimmt/ fleißig
herab/ vnd salbe die Haar damit.

Oder nim Gerstenstro/ süßhols Rinde/ geschaben Buchsbaum/
Buchsbaumblätter/ Saffran/ Kümmich/ Laugen von Nebenaschen
gemacht/